



Synfocity = 511

mail us at : mzsynfo@gmail.com; mizoramsynod@gmail.com - Phone - 2314648

30th October, 2014

□ **Khawvel Sunday School Ni**

November 2, 2014 (Pathianni) hi Khawvel Sunday School Ni a ni a. Khawvel Sunday School Ni hi Dr. George W. Bailey, Tabernacle Presbyterian Church, Philadelphia Kohhran Upa rawt chhuah a ni a. Kum 1907-a World's Sunday School Association Convention Rome-a neih tumah leh kum 1910-a Washington-a Convention neih tuma an sawihona bawhzuiin Kum 1910 May 22 atang khan Khawvel Sunday School Ni hi hman tan a ni. Khawvel Sunday School Ni hmasa ber programme hi tawng chi hrang hrang za chuanga lehin niin copy maktaduai tam tak khawvel ram hrang hrangah thawn darh a ni. Mizoramah chuan Khawvel Sunday School Ni hi kum 1944 atang khan serh tan a ni a. Kum 1949 atangin Khawvel Sunday School Ni chu Thupui neiin November Pathianni hmasa berah hman thin a ni ta a ni. Kum 2001 hma lam kha chuan Puitling leh Naupang Sunday School-te hian programme pakhat intawmin Biak Inah thupui pakhat an zirho thin a, kum 2001 hnu lam atang chuan Puitling leh Naupang Sunday School chuan thupui zir tur hrang neiin a hrangin hun an hmang ve ve ta a ni.

Mizoram Presbyterian Kohhran chuan kumin (2014)-ah hetiang hian thupui an zirho ang :

- ♦ **Puitling** - **Rev. Dr. Zairema Chanchin By Rev. Chuauthuama**
- ♦ **Naupang** - **Ni. R. Lalbiakchhungi Chanchin By Rev. Lalzuithanga**

Kumin-a zir tur thupuite hi www.mizoramsynod.org/download section-ah download theiha dah a ni.

□ **Pastoral Committee Wawi 5-na**

Nimin (Oct. 29, 2014) khan Synod Office-a JM Lloyd Hall-ah Synod Pastoral Committee wawi 5-na a thu a. Meeting hi Rev. K. Lalhmuchhuaka, Synod Moderator-in a kaihrui ani.

He Meeting hian Synod Inkhawmpui 2014 atana inbuatsaihna thil pawimawh tam tak a khawih a, thu pawimawh hlawn lian tak tak 12 a ngaihtuah a ni.

Thu ngaihtuah zingah hian Pro Pastor lak zat tur te, Bial thar hawn leh Bial then chungchang te, Bial siamrem tur te, Presbytery then leh kum 2015 Pastoral Ministry thupui tur thlan te, ATC-a zirtirtu mamawh belh chungchang te chu a langsar zual an ni.

Kumin chhung hian minister thi 4 an awm a, an zinga pahnih hi pensioner niin pakhat bial vawng lai leh pakhat Office-a thu lai a ni. Tun tum Pastoral Committee hian USA-a Mizo hnathlakho zinga rawngbawltu atana Pastor special ordination dilsakna chungchang pawh a ngaihtuah nghal a ni.

□ **Synod Committee**

Mizoram Presbyterian Church Synod hnuaiia Committee leh Board peng hrang hrangte Synod Inkhawmpui atana inbuatsaihin an thu chho mek a. Vawiin (Oct. 30, 2014) hian Education Board Committee an thu a, October 31, 2014 (Zirtawpni) hian Synod Literature & Publication Board (SL&PB) Committee an thu leh ang. November 4, 2014 (Thawhlehi) ah Social Front Committee an thu leh ang a, November 5, 2014 (Nilaini) ah Music Committee an thu ang a, November 11 - 13, 2014 chhungin Synod Executive Committee (SEC) an thu leh ang a, November 18 - 20, 2014 chhungin Finance Committee an thu leh ang.

□ **2015 chhung Missionary atan la thar**

Synod Mission Board chuan kum 2015 chhung missionary (*Evangelist, Evangelist Teacher, Staff Nurse, Health Worker, Craft Teacher, Office Assistant*) tur a la thar a, diltu 459 atangin 119 lak an ni a, waiting list-ah mi 30 an awm bawk.

October 25, 2014 khan nilengin Interview, Synod Office-ah neih a ni a, October 28, 2014 khan lak tharte hming tarchhuah a ni. Missionary lak tharte pual hian November 10 - 28, 2014 chhungin Orientation Training, Mission Veng Kohhran Hall-ah neih tur a ni.

□ **Home Mission North Bru Convention Wawi 1-na**

October 30 - 2 November, 2014 hian Damparengpui Kohhran Biak In-ah Home Mission North Bru Convention Wawi 1-na neih a ni dawn a, thupuih 'I puan in zauh rawh' (Isaia 54:2) an hmang ang a, Speaker atan Rev. C. Zorammawia i/c Dawrpui Pastor Bial an hmang ang. Convention neih chhung hian zing karah Bible Study - Jakoba Lehkathawn neih thin a ni ang a, Rev. Laldusaka i/c Damparengpui Pastor Bial-in a zirpui thin ang.

October 30, 2014 (Ningani) zana Inlawmna Inkhawm neih a ni ang a, Upa Lalrinmuana, Synod Mission Board (SMB) Coordinator in Inlawmna leh Inhmehriattirna hun a hmang ang a, Rev. Lalchhuanmawia, SMB Secretary in Keynote Address a pe ang.

October 31, 2014 (Zirtawpni) chawhnuah Fellowship & Cultural Programme hman a ni ang a, hemi bak inkhawm dangah chuan Speaker Rev. C. Zorammawia hnen atangin Pathian Thuchah ngaihthlak thin a ni ang.

Convention hmanpui tur hian Synod Mission Board Hqrs. atangin Rev. Lalchhuanmawia, Synod Mission Board Secretary; Upa Lalrinmuana, Synod Mission Board Coordinator; Upa Lalhmingthanga, Mission Promoter, SMB leh Pu H. Vanlalchhuanga, Supervisor of Schools te an kal.

□ **Kohler Power Systems Hruaina Eng Quiz**

Kohler Power Systems Hruaina Eng Quiz, Elimination Round chu Zosaphluia Hall, Mission Veng-ah kalpui mek a ni a, Elimination hi October 31, 2014 (Zirtawpni) thleng neih a ni ang. November 6, 2014 (Ningani) atangin Second Round neih chhunzawm a ni ang a, Third Round awm chhoin November 28, 2014 ah Final neih tum a ni.

Elimination Round-ah hian Branch 82 atangin Branch 65 ten inelna an nei tawh a, zanin (October 30, 2014) dar 7:30 hian Zarkawt, Chite, Bungkawn, Khatla North leh Maubawk West Branch-te an inel ang a, dar 9:00 atangin Leitan South, Chawnpui Vengthlang, Tuivamit leh Bethlehem Vengthlang Branch te an inel thung ang. Naktuk (Oct. 31, 2014) zan dar 7:30-ah Kulikawn, Ramhlun, Lawipu leh Ramthar Tlangveng Branch-te an inel ang a, Electric Veng, Zemabawk Vengthar, Republic Vengthlang leh Zotlang Branch-te an inel leh ang.

Elimination Round Result hi October 31, 2014 zana inelna neih zawhah puan a ni dawn a, Top 20 thleng tur hian point hmu sang sang thlan tur an ni a, point hmuh zat in an avanga Top 20 lut thei hi 20 aia an tam chuan Rom atangin Written Examination, November 3, 2014 (Thawhtanni) dar 1:00 p.m. - ah Synod Committee Room II, Synod Office-ah neih tur a ni ang a, Exam tur te chu hriattir an ni ang.

He quiz sponsor-tute chu Kohler Power Systems, Lower Zarkawt (Main Sponsor); E.R. Enterprises, Ramhlun South; Highland Chevrolet, Zemabawk; Computer House & Photo House, Millennium Centre; Electrical Inspectorate, P & E Department, Zuangtui; Zoland Electronics, Chanmari leh Dyna Roof, Guwahati te an ni.

Kohler Power Systems Hruaina Eng Quiz hi show neih apiangin Hruaina Eng Channel (LPS & Zonet Cable TV)-ah Live in pekchhuah thin a ni.

Contd..

- **Zin**
October 31 - 2 November, 2014 chhunga Assam Mission Field-ten Healing Crusade, Tinsukia-a an buatsaih turah Speaker atan Dr. Robert S. Halliday, Superintendent, Synod Office an hmang ang.
- **15th PWF Biennial Conference**
October 24 - 26, 2014 khan Presbyterian Women Fellowship (PWF) 15th Biennial Conference, Lamka Presbyterian Kohhran Biak In, Churachandpur, Manipur-ah neih a ni a, thupuihah 'Rise up and Build' (Neh. 2:18) tih an hmang. Conference-ah hian palai kal zat chu 444 an ni a, Mizoram Synod atangin palai 147 an tel a ni. PWF Biennial Conference vawi 16-na chu Mizoram Synod-in October 26 - 30, 2016 ah an thleng ang. Kum 2014 - 2016 Budget atan Rs. 19,04,000/- pawm a ni a, Mizoram Synod-in an thawh ve tura ruahman chu Rs. 2,62,000/- a ni. Kum 2014 - 2016 PWF Hruaitu thar tur hetiang hian an thlang baw :
Chairperson : Pi G. Hanabalahun Kharbuki, KJP Synod Mihngi (PCI General Assembly ruat)
Vice Chairperson : Pi C. Lalneihthangi, Mizoram Synod
Secretary : Pi Rualkhumi Nampui, Biateram Synod
Asst. Secretary : Pi C. Lalmangaihzuai, Manipur Synod
Treasurer : Pi A. Budon, KJP Synod Mihngi
Heng bakah hian PWF Standing Committee leh Nomination Committee Member tur ruat ngahal an ni a, Mizoram Synod atangin Standing Committee-ah Pi H. Lalpianthangi, Pi Sailuti leh Pi R. Rengkhumi te an tel a, Nomination Committee-ah Pi C. Lalmangaihi a tel baw.
- **Kristian Thalai Pawl**
♦ Falkland-a Youth Recreation Centre (YRC) ram samfai hnatlang neih chhoh mek zel a ni a. October 23 , 2014 (Ningani) khan Aizawl khawpui chhung bial 9 an hnatlang a, member 469 an thawk chhuak thei a. October 25, 2014 (Inrinni)-ah bial 9 baw hnatlang lehin member 529 an thawk chhuak thei a ni.
♦ **PRAISE '14:** KTP General Conference Vawi 55-na thurel "KTP member thalai zawkte hip khawm thei tur programme siam ni rawh se" (General No. 12) bawhzui nan Central KTP Committee chuan December 5, 2014 (Zirtawpni) zan dar 6:00 hian **PRAISE '14, Rajiv Gandhi Stadium, Mualpui**-ah a buatsaih dawn a. Pathian faka zai hona hun te, Krismas Thuchah ngaihthlakna hun te siam a nih bakah Special Items (Zai, Lam) tha tak take ngaihthlak/en tur a awm baw ang. Thalai zawkte hip khawm thei tur programme hi Aizawl-ah chauh ni lo, hmun hrang hranga buatsaih dan tur pawh ngaihtuah a ni a. Amaherawhchu, budget awm lawk lo thurel bawhzui ngai hautak tak a nih avangin hmun khat, Aizawl-ah neih tura ruahman a ni ta a. Hemi chungchanga hriattirma hi Bial/ Branch hrang hrangah thawh chhuah a ni tawh. Central KTP chuan KTP member a tam thei ang ber tel tura beisei a ni. Praise '14 programme pum pui hi uluk takin video coverage tih tum a ni a, a hmuna kal ve thei lote pawhin a hnu lama an lo thlir ve theih turin Local TV hrang hranga tihchhuah tum a ni baw.
♦ October 31, 2014 (Zirtawpni) dar 1:00 pm hian Synod Committee Room No. 1-ah Central KTP Committee meeting neih a ni ang.
♦ Mizoram Synod Choir chuan November 1 - 2, 2014 hian Kolasib Electric Veng Kohhranah hun an hmang ang a, November 3, 2014 (Thawhtanni) zanah Leitan South KTP Inkhawmah hun an hmang leh ang a, November 4, 2014(Thawhlelni) ah Aizawl Venglai Kohhran Silver Jubilee lawmnaah hun an hmang leh ang.
- **Hruaina Eng FM Radio & TV Programme**
♦ **OCTOBER 31 (FM Zoawi Aizawl @ 7:30 p.m.)**
Zaipawl : Besy Choir - I rawngbawl turin ka lo kal, **Zaipawl :** Mizo Choir - Zai r'u Lalpa fakin Zai r'u, **Thusawi :** Lalromawia - Pathian Biak inkhawm zaia mipui lam mawhphurhna , **Zaipawl :** Dawrpui Bial Zaipawl - Kawngkhar mawi ah, **Zaipawl :** Mizoram Synod Choir - Wyllyn
♦ **OCTOBER 31 (FM Lunglei @ 7:30 p.m.)**
Zaipawl : Besy Choir - I rawngbawl turin ka lo kal, **Zaipawl :** Mizo Choir - Zai r'u Lalpa fakin Zai r'u, **Thusawi :** Lalromawia - Pathian Biak inkhawm zaia mipui lam mawhphurhna , **Zaipawl :** Dawrpui Bial Zaipawl - Kawngkhar mawi ah, **Zaipawl :** Mizoram Synod Choir - Wyllyn
♦ **NOVEMBER 2 (TV Programme @ 3:00 p.m.) :**
Zaipawl : Tuikual Bial Zaipawl - Lungngaihna hual velin, **Sermon :** Rev. C. Lianhmingthanga - Ringtu hnena Thlarau Thianghlim hnathawh, **Solo :** Maggie - Min siam thar leh rawh, **Faklam Intihiak :** Zan IV-na
- **Susamachar Prasaran Programme**
NOVEMBER 2 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Diphu Pastorate Choir - Lang tha sining, **Group/Choir/Solo :** Durtlang Masihi Sangati - Kruspar, **Sermon :** Rev. Vanlalbel, **Group/Choir/Solo :** Lunglei Area Masihi Sangati - Prabhu, **Group/Choir/Solo :** Jubilee Kohhran - Yesu Ne
- **Moderator Programme**
Synod Moderator Rev. K. Lalhmuchhuaka chuan tunkar tawpah hetiang hian hun a hmang ang :
November 1, 2014 (Inrinni) : Haulawng Biak In thar a hawng ang.
November 2, 2014 (Pathianni) Zan : Tlangnuam Kohhran (Sangati)

SYNOD MULTIPURPOSE TRAINING CENTRE ADVERTISEMENT

Synod Multipurpose Training Centre, Mission Vengthlang, Aizawl-ah a hnuacia tarlan ang hian Zirtirtu (Contract) lak a ni dawn a. Rawngbawlndaa ngaia dil duh chuan a hnuacia hming ziak hnenah hian Kohhran lehkha thil telin dilna thehluh theih a ni.

Hna hming	No. of Post
1. Instructor (Mipa puanthui)	: 1
2. Instructor (Computer)	: 1
3. Instructor (Shoe making)	: 1
4. Instructress (Hmeichhia puanthui)	: 3
☺ Dilnaah hian thiamna certificate thil tel tur a ni.	
☺ Dilna thehluh hun chhung	: December 10, 2014 thleng
☺ Written Test	: December 16, 2014 (10:30 a.m.)
☺ Interview	: December 18, 2014, (10:30 a.m.)
☺ Pay	: Synod Pay siam ang a ni ang.

Programme Director,
Synod Multipurpose Training Centre